



REPUBLIKA E SHQIPËRISË
ZYRA E INSPEKTORIT TË LARTË TË DREJTËSISË
KOMITETI I EMËRIMIT DHE VLERËSIMIT TË INSPEKTORËVE

Nr. 1744/ Prot.

Tiranë, më 02.06.2025

V E N D I M

Nr. 27 datë. 02.06.2025

**“PËR NDALIMIN E KANDIDIMIT TË ZNJ. MIMOZA CANI NË VENDIN
VAKANT PËR INSPEKTOR JOMAGJISTRAT, SHPALLUR NGA INSPEKTORI I
LARTË I DREJTËSISË MË DATË 27.05.2024”**

Komiteti i Emërimit dhe Vlerësimit të Inspektorëve i përbërë nga:

Znj. Elena Pelushi – Kryetar
Znj. Lindita Ziguri – Anëtar
Znj. Joana Sorraj- Anëtar

Asistuar nga Sekretariati teknik i përbërë nga:

Znj. Amanta Jasa
Znj. Eljona Bylykbashi
Znj. Zonje Shelqizi

Në mbledhjen e datës 29.05.2025, mori në shqyrtim çështjen që i përket:

Kandidates për inspektor jomagjistrat: Znj. Mimoza Cani

OBJEKTI: Urdhërimi i ndalimit të znj. Mimoza Cani, në vendin vakant për inspektor jomagjistrat, të shpallur nga Inspektori i Lartë i Drejtësisë në datën 27.05.2024.

Komiteti pasi u njoh me aktet si dhe bisedoi çështjen në tërësi,

VËREN:

I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 3 dhe 77, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", me njoftimin e datës 27.05.2024, në faqen zyrtare ka shpallur procedurën për 4 vende vakante për pozicionin e inspektorit jomagjistrat. Shpallja ka qenë e hapur për 30 ditë, periudhë gjatë së cilës do të administrohet kërkesa e të interesuarve, bashkë me dokumentacionin e renditur në shpallje.
2. Në përfundim të afatit të shpalljes, me urdhrin nr. 74 datë 26.06.2024 "Për fillimin e procedurës së përzgjedhjes së kandidatëve jomagjistratë për pozicionin e Inspektorit pranë Zyrës së Inspektorit të Lartë të Drejtësisë", të ndryshuar, Inspektori i Lartë i Drejtësisë ka ngritur Komitetin e Emërimit dhe Vlerësimit të Inspektorëve, si organi që do të zhvillojë procedurat përzgjedhëse për plotësimin e vendeve të shpallura.
3. Komiteti i Emërimit dhe Vlerësimit të Inspektorëve, në përfundim të afatit për paraqitjen e aplikimeve për shprehje interesi për kandidim datë 26.06.2024, zhvilloi mbledhjen e parë më datë 02.07.2024, ku vendosi për shqyrtimin e dosjes që i përket çdo kandidati dhe fillimin e procedurave të verifikimit, vlerësimit, pikëzimit dhe renditjes së kandidatëve që kanë shprehur interes për vendin vakant për Inspektor Jomagjistrat pranë Zyrës së Inspektorit të Lartë të Drejtësisë duke njoftuar në faqen zyrtare në rubrikën "Njoftime"; "Rekrutim Inspektorë Jo-Magjistratë" listën e personave të interesuar për vendin vakant dhe fillimin e shqyrtimit të aplikimeve të kandidatëve të shoqëruara me dokumentet e paraqitura prej tyre, për përmbushjen e kushteve dhe kriterëve ligjore të përcaktuara në nenin 209 dhe nenin 211, pika 2 të ligjit nr. 115/2016 "Për organet e qeverisjes së sistemit të drejtësisë", i ndryshuar dhe të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistrat për pozicionin e inspektorit".
4. Znj. Mimoza Cani, si një ndër kandidatët që ka shprehur interesin nëpërmjet kërkesës me nr. 1727 prot., datë 21.06.2024 për vendin vakant të Inspektor jomagjistrat pranë Zyrës së Inspektorit të Lartë të Drejtësisë, është njoftuar me shkrim për tu paraqitur pranë Zyrës së Inspektorit të Lartë të Drejtësisë, për të vijuar me përmbushjen e procedurave të verifikimit të kandidaturës bazuar në detyrimet ligjore, të përcaktuara nga neni 209, neni 211, pika 2, të ligjit nr.115/2016 "Për organet e qeverisjes së sistemit të drejtësisë", të ndryshuar, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", si dhe urdhrin nr. 7, datë 04.03.2020, të Inspektorit të Lartë të Drejtësisë "Për miratimin e Rregullores "Për procedurën dhe kriteret e vlerësimit,

pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë". Njoftimi me shkrim, i kryer në rrugë elektronike në adresën e deklaruar nga vetë kandidati, gjendet i administruar në dosjen e kandidimit.

5. Në datën 08.07.2024, kandidati Mimoza Cani, është paraqitur pranë Zyrës së Inspektorit të Lartë të Drejtësisë dhe është pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure vërtetohet nga nënshkrimi prej vetë kandidatit të Deklaratës përkatëse, e cila gjendet e administruar në dosjen e kandidimit.
6. Në datën 12.07.2024 kandidati Mimoza Cani ka depozituar tek sekretariati teknik, formularët e deklarimit dhe autorizimet përkatëse për qëllimet e vijimit të procedurës së verifikimit të kandidaturës së tij, të cilat gjenden të administruara në dosjen e kandidimit.
7. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e pasurisë, Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit A, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", me shkresën përcjellëse me nr. 2230 prot. datë 03.08.2024, i ka dërguar Inspektoratit të Lartë të Deklarimit dhe Kontrollit të Pasurisë dhe Konfliktit të Interesit (ILDKPKI), listën e kandidatëve dhe të personave të lidhur me ta, sikurse janë deklaruar prej vetë kandidatëve, që i nënshtrohen procedurës së deklarimit dhe kontrollit të pasurisë, si edhe kopjet e deklaratave të nënshkruara nga secili prej tyre.
8. Inspektori i Lartë i Drejtësisë ka dërguar ILDKPKI-së listën e kandidatëve dhe personave të lidhur me ta që i nënshtrohen procedurës së verifikimit të kushteve dhe kriterëve të tjera ligjore të kandidimit sipas ligjit nr. 9049 datë 10.04.2003 "Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë", ligjit nr. 9367 datë 07.04.2005 "Për parandalimin e konfliktit të interesave në ushtrimin e funksioneve publike" dhe ligjit nr. 115/2016 "Për organet e qeverisjes së Sistemit të Drejtësisë", të ndryshuar
9. Bashkëlidhur kësaj shkrese drejtuar ILDKPKI-së, ndërmjet të tjerave, është vendosur edhe Deklarata e nënshkruar nga kandidati Mimoza Cani, ku deklarohet se, është pajisur me kredencialet dhe autorizimet që duhet të plotësohen për qëllimet e procedurës së verifikimit të kandidaturës së tij, si edhe data e nënshkrimit, nga e cila fillojnë të llogariten afatet e përcaktuara nga ligji për përmbushjen e detyrimeve ligjore të kandidatit për procedurën e verifikimit të kandidaturës.
10. Kandidati Mimoza Cani e ka përmbushur detyrimin për të plotësuar në sistemin EACID dhe dorëzuar si elektronikisht dhe fizikisht të plotësuar pranë ILDKPKI-së Deklaratën e

Pasurisë dhe Interesave Privatë të Kandidatit për Pozicione të Ndryshme në Institucionet e Sistemit të Drejtësisë.

11. ILDKPKI, në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", me aktin nr. 203/23 prot., datë 27.01.2025, ka dërguar pranë Zyrës së Inspektorit të Lartë të Drejtësisë, rezultatet e kontrollit të ushtruar për kandidati Mimoza Cani dhe personat e lidhur me të.
12. Gjithashtu, në funksion të ushtrimit të kompetencave të tij për verifikimin e plotësimit të kushteve dhe kriterëve ligjore të kandidimit, për sa i përket kontrollit të pasurisë, si dhe në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", ky institucion kryen verifikime pranë subjekteve publike dhe private që lejon ligji, të të dhënave mbi pasuritë, interesat privatë dhe detyrimet financiare që ekzistojnë në emër dhe për llogari të kandidati Mimoza Cani dhe personave të lidhur me të si dhe administron/analizon të dhënat që dalin nga procesi i verifikimit të kriterit të pasurisë.
13. Për realizimin e veprimeve verifikuese të lidhura me kontrollin e pasurisë së kandidati Mimoza Cani, referuar aktit të përfundimit të kontrollit të deklaratës së pasurisë rezultojnë se ILDKPKI me shkresën nr. 203 prot., datë 07.08.2024, i është drejtuar me kërkesa për informacion lidhur me kandidatin Soeda Fani institucioneve bankare: *Banka e Shqipërisë, Banka Raiffeisen sha, Banka Kombëtare Tregtare sha, Banka Intesa Sanpaolo sha, Banka Tirana sha, Banka e Bashkuar e Shqipërisë sha, Banka ProCredit sha, Banka e Parë e Investimeve sha, Banka Amerikane e Investimeve sha, Banka Credins sha, Banka Union sha, Banka OTP Albania sha, Raiffeisen Leasing sha, Porsche Leasing sha, RFZ Invest sha, Credins Invest sha, DPSHTRR, Qendra Kombëtare e Biznesit, DPT, ISSH, D.P Detare, ASHK online.*
14. Për verifikimin e kushteve dhe kriterëve ligjore të kandidimit, të përcaktuara në nenin 209, pika 6, germa "a" dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit C, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", kandidati Mimoza Cani ka depozituar diplomën nr. 000369/373 datë lëshimi 03.10.2012 "Bachelor në Drejtësi" të lëshuar nga Shkolla e Lartë Private Vitrina, diplomën me nr. 242, datë 30.08.2016 "Master Profesional" në Drejtë Penale, me 90 kredite, të lëshuar nga Fakulteti i Drejtësisë, Universiteti Tiranës (mbrojta e tezës më datë 25.09.2015), si dhe ka depozituar vërtetimin nr. 332/6, datë 07.06.2024 për përfundimin e ciklit të dytë me kohë të plotë Master Shkencor në profilin e "Drejtë Private", të lëshuar nga Universiteti "Aleksandër Moisiu", Fakulteti i Shkencave Politike Juridike, Durrës, për vitin akademik 2023-2024.

15. Për verifikimin e kushteve dhe kriterëve ligjorë të kandidimit, lidhur me verifikimin dhe kontrollin e integritetit të kandidatit Mimoza Cani, Inspektori i Lartë i Drejtësisë i është drejtuar me kërkesë për informacion Autoritetit Kombëtar për Sigurinë e Informacionit të Klasifikuar (*shkresa nr. 2237 prot, datë 03.08.2024*), Shërbimit Informativ të Shtetit (*shkresa nr. 2236 prot, datë 03.08.2024*), Agjencisë së Inteligjencës dhe Sigurisë së Mbrojtjes (*shkresa nr. 2239 prot, datë 03.08.2024*) dhe Agjencia e Mbikëqyrjes Policore pranë Ministrisë së Brendshme (*shkresa nr.2233 prot, datë 03.08.2024*).
16. Autoriteti Kombëtar i Sigurisë së Informacionit të Klasifikuar, Agjencia e Mbikëqyrjes Policore pranë Ministrisë së Brendshme, Shërbimit Informativ të Shtetit dhe Agjencisë së Inteligjencës dhe Sigurisë së Mbrojtjes kanë dërguar përgjigjet e tyre, përkatësisht (*me shkresën nr. 4878 prot., datë 12.09.2024, shkresën nr. 3158/1 prot., datë 26.08.2024, shkresën nr.5780/1 prot., datë 22.08.2024 dhe shkresën nr.1025/1 prot., datë 12.08.2024*).
17. Në mbështetje të nenit 209, pika 6, germave "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, me shkresën me nr. 2234 prot., datë 03.08.2024, është kërkuar informacion që lidhet me integritetin e secilit prej kandidatëve pranë Drejtorisë së Përgjithshme të Gjendjes Civile, duke verifikuar mbi plotësimin e kriterëve të përcaktuara në pikën 1 të Kreut III dhe në zbatim të pikës 2, germa "b" Kreu V, të vendimit nr. 17/2016 të Kuvendit të Republikës së Shqipërisë "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike". Gjithashtu, në zbatim të kriterit të përcaktuar në pikën 6, germa "d" të ligjit nr. 115/2016 "Për organet e qeverisjes së sistemit të drejtësisë", të ndryshuar, për verifikimin e gjendjes gjyqësore të kandidatit znj. Cani, Inspektori i Lartë i Drejtësisë i është drejtuar me shkresën nr. 2235 prot., datë 03.08.2024, Drejtorisë të Përgjithshme të Burgjeve, lidhur me verifikimin nëse ndaj kandidatit janë zhvilluar procese gjyqësore të karakterit penal, dhe rezultojnë të dënuar, për efekt të gjendjes gjyqësore.
18. Informacioni i kërkuar për sa më sipër, është përcjellë në Zyrën e Inspektorit të Lartë të Drejtësisë me shkresën nr. 8904/1 prot., datë 14.08.2024 të Drejtorisë së Përgjithshme të Gjendjes Civile, shkresën nr. 13027/1 prot., datë 08.08.2024, të Drejtorisë të Përgjithshme të Burgjeve.
19. Për verifikimin e kushteve dhe kriterëve ligjorë të kandidimit, që kanë të bëjnë me përvojën profesionale si "Jurist", jo më pak se pesëmbëdhjetë vite punë në çastin e kandidimit, në zbatim të nenit 209, pika 6, germa "c", e ligjit nr. 115/2016 "Për organet e qeverisjes së sistemit të drejtësisë", Inspektori i Lartë i Drejtësisë i është drejtuar me kërkesë për informacion Institutit të Sigurimeve Shoqërore dhe Drejtorisë së Arkivit Qendror me shkresën nr. 2232 prot, datë 03.08.2024, Drejtorisë Rajonale të Sigurimeve Shoqërore Durrës me shkresën 2834, datë 22.10.2024, në lidhje me periudhën e derdhjes

të kontributeve të sigurimeve shoqërore. Instituti i Sigurimeve Shoqërore ka kthyer përgjigje me shkresën nr. 8503/1 prot, datë 09.08.2024, Drejtoria e Arkivit Qendror ka kthyer përgjigje me shkresat nr. 8294/1 prot, datë 20.08.2024 dhe nr. 8449/1 prot, datë 23.08.2024, si dhe Drejtoria Rajonale të Sigurimeve Shoqërore Durrës ka kthyer përgjigje me shkresën nr. 18473/1 prot, datë 29.10.2024.

Me shkresën nr. 2222 prot., datë 03.08.2024 dhe shkresën nr. 2222/2 prot., datë 21.10.2024 i jemi drejtuar Gjykatës e Shkallës së Parë të Juridiksionit të Përgjithshëm Durrës, me anë të së cilave është kërkuar informacion mbi kriteret ligjore të punësimit në atë gjykatë dhe kopje të dosjes personale. Gjykata e Shkallës së Parë të Juridiksionit të Përgjithshëm Durrës ka kthyer përgjigje me shkresën nr. 5027 prot., datë 03.09.2024 dhe shkresën nr. 5703/1 prot., datë 24.10.2024. Po ashtu Komiteti i Emërimit dhe Vlerësimit të Inspektorëve, ka vlerësuar t'i drejtohet kandidatit Mimoza Cani me shkresën 2222/3 prot., datë 21.10.2024 "Kërkesë për sqarim dhe dokumentacion mbështetës", ndaj të cilës znj. Cani ka kthyer përgjigje me shkresën protokolluar në Zyrën e Inspektorit të Lartë të Drejtësisë me nr. 2222/5 prot., datë 01.11.2024.

20. Gjithashtu, për këtë rast kandidimi, u vlerësua t'i drejtohem me kërkesë për informacion Dhomës së Avokatisë së Shqipërisë me nr. 2238 prot., datë 03.08.2024. Kërkesa është bërë në mbështetje të nenit 209, pika 6, germa "ç", e ligjit nr. 115/2016 "Për organet e qeverisjes së sistemit të drejtësisë", të ndryshuar dhe seksionit C të kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", duke kërkuar nëse kandidati, në mënyrë aktive, ka ushtruar profesionin e avokatit të paktën në dy vitet e fundit. Dhoma e Avokatisë së Shqipërisë është përgjigjur me shkresën nr. 350 prot., datë 04.09.2024, informacion i cili është administruar në dosjen e kandidatit.
21. Gjithashtu, lidhur me kriterin e përcaktuar në nenin 209, pika 6, germa "d" të ligjit nr. 115/2016 "Për organet e qeverisjes së sistemit të drejtësisë", të ndryshuar është dërguar shkresa nr. 2235, datë 03.08.2024 në Drejtorinë e Përgjithshme të Burgjeve, ku është kërkuar informacion nëse kandidati është dënuar më parë me vendim gjyqësor të formës së prerë për kryerjen e një vepre penale. Drejtoria e Përgjithshme e Burgjeve ka kthyer përgjigje pranë Zyrës së Inspektorit të Lartë të Drejtësisë me shkresën nr. 13027/1 prot., datë 08.08.2024.
22. Gjithashtu, lidhur me verifikimin dhe kontrollin e integritetit, në zbatim të nenit 209, pika 6, germa "e", të ligjit nr. 115/2016 "Për organet e qeverisjes së sistemit të drejtësisë", të ndryshuar, dhe pikës 62, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", Inspektori i Lartë i Drejtësisë i është drejtuar Autoritetit për Informim mbi Dokumentet e ish - Sigurimit të Shtetit nëse secili kandidat, përfshihet në rastin e posaçëm të nenit 209, pika 6, germa "e", e ligjit nr. 115/2016 "Për organet e qeverisjes së sistemit të drejtësisë", të ndryshuar: "e) ka qenë ose jo anëtar,

bashkëpunëtor ose të favorizuar nga ish-Sigurimi i Shtetit para 2 korrikut 1991" apo në njërin nga rastet e pikës 2, të nenit 29, të ligjit nr. 45/2015 "Për të drejtën e informimit për dokumentet e ish-sigurimit të shtetit të Republikës Popullore Socialiste të Shqipërisë". Me shkresën nr. 2231 prot, datë 03.08.2024, Zyra e Inspektorit të Lartë të Drejtësisë, ka dërguar formularin e aplikimit përkatës të plotësuar sipas ligjit nga kandidati i sipërcituar, për kompetencë dhe shqyrtim Autoritetit për Informimin mbi Dokumentet e Ish-Sigurimit të Shtetit.

23. Autoriteti për Informimin mbi Dokumentet e Ish-Sigurimit të Shtetit, me shkresën nr. 1312/3 prot, datë 20.08.2024 ka dërguar pranë Zyrës së Inspektorit të Lartë të Drejtësisë, informacionin, i cili është bashkëngjitur praktikës së kandidatit (Vendim nr. 501, datë 20.08.2024 i Autoritetit për Informimin mbi Dokumentet e Ish-Sigurimit të Shtetit).
24. Në vijim të procedurave të verifikimit që lidhet me integritetin e kandidatëve për inspektor jomagjistratë si dhe për të shmangur çdo lloj konflikti interesi që bie ndesh me nenin 209, pika 6, gjerat "dh", "ë" dhe "f" të ligjit nr. 115/2016 "Për organet e qeverisjes të sistemit të drejtësisë", të ndryshuar është njoftuar zyrtarisht secili kandidat që të plotësojë formularët përkatës që lidhen me:
- mospasjen e funksioneve politike në administratën publike, ose pozicione drejtuese në parti politike gjatë 10 vjetëve të fundit përpara kandidimit;
 - mosqenien bashkëpunëtorë, informatorë ose agjentë të ndonjë shërbimi sekret;
 - mosqenien anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit.

Për sa i takon kandidatit Mimoza Cani, është paraqitur në ambientet e Inspektorit të Lartë të Drejtësisë dhe ka dorëzuar të plotësuar secilin prej formularëve të mësipërm.

25. Në përfundim të veprimeve dhe procedurave të kontrollit dhe verifikimit, në zbatim të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 27 e vijues të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Komiteti ka proceduar me përgatitjen e relacionit përkatës mbi gjendjen e faktit dhe të ligjit të zbatueshëm.
26. Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, të C, të Kreut IV vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", Urdhrit

nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Kryetari i Komitetit të Emërimit dhe Vlerësimit të Inspektorëve ka thirrur mbledhjen e Komitetit duke njoftuar anëtarët për zhvillimin e saj në datën 29.05.2025, rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë edhe çështja me objekt shqyrtimin e aplikimit të kandidimit të znj. Mimoza Cani, për vendin vakant për inspektor jomagjistrat në Zyrën e Inspektorit të Lartë të Drejtësisë.

II. Vlerësimi i Komitetit

27. Komiteti i Emërimit dhe Vlerësimit të Inspektorëve, duke u bazuar në dispozitat ligjore dhe ato nënligjore normative të zbatueshme për çështjen në shqyrtim, si edhe në rrethanat e faktit që rezultojnë nga aktet që përmban dosja e kandidimit, vlerëson se duhet të procedojë me vendim për ndalimin e kandidimit të kandidatit Mimoza Cani për vendin vakant për Inspektor jomagjistrat pranë Zyrës së Inspektorit të Lartë të Drejtësisë.
28. Në nenin 209, pika 6, germa "c" e ligjit nr. 115/2016, parashikohet si kusht se kandidati duhet të ketë përvojë pune si jurist, të paktën 15 vjet. Nga dokumentacioni i shqyrtuar, gjatë procesit të verifikimit rezulton se kandidati ka dorëzuar librezën e punës, jetëshkrimin dhe dokumentacion shtesë kërkuar znj. Mimoza Cani nëpërmjet shkresës nr. 2222/3, datë 21.10.2024, nga shqyrtimi i të cilit rezultojnë këto periudha punësimi:
- a. Sekretare Gjyqësore, Gjykata e Rrethit Durrës për periudhën 11 Gusht 1994 -15 Tetor 1999;
 - b. Sekretare Gjyqësore, Gjykata e Rrethit Durrës për periudhën 16 Qershor 2000-deri në momentin e aplikimit.
29. Bazuar në informacionin e përcjellë nga Gjykata e Shkallës së Parë të Juridiksionit të Përgjithshëm Durrës me shkresën nr. 5027 prot., datë 03.09.2024 dhe shkresën nr. 5703/1 prot., datë 24.10.2024, referuar kërkesës së ILD-së për informacion mbi kriteret ligjore të punësimit të kandidatit Mimoza Cani në atë gjykatë dhe kopje të dosjes personale (korrespondenca administrohet në dosjen e kandidatit), si dhe sqarimet dhe dokumentacionin e përcjellë nga kandidati Mimoza Cani, protokolluar në ILD me nr. 2222/5, datë 01.11.2024, Komiteti, konstaton se për periudhën e punësimit 11.08.1994-15.10.1999 dhe periudhën 16.06.2000 deri në momentin e përfundimit të studimeve në ciklin Bachelor në Drejtësi në 2012. Më pas ka vijuar me ndjekjen e ciklit të dytë të studimeve "Master Profesional në Drejtë Penale", Universiteti i Tiranë, Fakulteti i Drejtësisë, me kohë të pjesshme dhe mbrojtjen e tezës në datën 25.09.2015. Ndërkohë që me vërtetimin nr. 332/6 prot., datë 07.06.2024, të Fakultetit të Shkencave Politike Juridike, Universiteti "Aleksandër Moisiu" Durrës ka përfunduar studimet në ciklin e dytë të studimeve me kohë të plotë "Master Shkencor" në profilin "E Drejtë Private", për vitin akademik 2023-2024.

30. Referuar kushteve ligjore të përcaktuara në nenin 209, pika 6 germa "c", të ligjit nr. 115/2016 "Për organet e qeverisjes së sistemit të drejtësisë", të ndryshuar, kandidatët duhet të plotësojnë kriterin e përvojës si jurist të paktën 15 vjet. Nga shqyrtimi i të gjithë dokumentacionit në kuadër të procedurës së verifikimit për kandidatin Mimoza Cani, referuar edhe parashikimeve të bëra në ligjin nr. 80/2015 "Për arsimin e lartë në Republikën e Shqipërisë", por edhe ligjit të kohës kur është diplomuar kandidati znj. Cani (2012) është shumë e rëndësishme të theksohet se për ushtrimin e një profesioni sikurse është ai i juristit, në të gjitha format që lejon legjislacioni në fuqi në Republikën e Shqipërisë, përvoja profesionale fillon nga çasti i diplomimit, i cili është kusht i domosdoshëm që e legjitimon çdo student të diplomuar të vijoje karrierën në profesionet e sistemit të drejtësisë. Çdo lloj punësimi i kandidatit Mimoza Cani, para vitit 2012, pavarësisht faktit se ka punuar në gjykatë nuk mund të vlerësohet si periudhë punësimi si "Jurist", pa pasur ende titullin përkatës të lëshuar nga institucioni i arsimit të lartë brenda apo jashtë vendit. Ky kusht "sine qua non", është i përcaktuar nga ligji nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", mos plotësimi i tij lidhet edhe me kushtin e parashikuar nga neni 209, pika 6, germa "a", të ligjit nr. 115/2016 "Për organet e qeverisjes së sistemit të drejtësisë", i ndryshuar, për përfundimin e ciklit të dytë të studimeve në drejtësi, rrjedhimisht çdo marrëdhënie punësimi që lidhet me përvojën si "Jurist" do të llogaritet si përvojë në profesion pas momentit të diplomimit. Në këtë kuadër, pas shqyrtimit të dokumentacionit të administruar, konstatohet se në momentin e aplikimit, kandidati Mimoza Cani rezulton se nuk ka përvojën prej 15 vitesh si jurist.
31. Referuar parashikimeve të nenit 209, pika 6, të ligjit me nr. 115/2016 i ndryshuar dhe pikës 28 të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", konstatimi i mospërmbylljes së njërës ose më shumë prej këtyre kushteve dhe kriterëve passjell ndalimin e kandidimit të kandidatit jomagjistrat.
32. **Bazuar sa më sipër, përfshirë edhe sqarimet dhe dokumentacionin shtesë të depozituar nga kandidati Mimoza Cani dhe dokumentacionit të përcjellë nga Gjykata e Shkallës së Parë të Juridiksionit të Përgjithshëm Durrës, Komiteti konstaton se kandidati nuk plotëson kushtin e përvojës prej të paktën 15 viteve në punë si "Jurist", të parashikuar nga neni 209, pika 6, germa "c", e ligjit nr. 115/2016 "Për organet e qeverisjes së sistemit të drejtësisë", të ndryshuar.**
33. Nisur nga sa analizohet dhe arsyetohet me sipër, bazuar në gjetjet dhe të dhënat e konstatuara gjatë procedurës së verifikimit që rezultojnë nga aktet dhe dokumentacionin që përmban dosja e kandidimit, në interpretim dhe zbatim të ligjit të zbatueshëm për kushtet dhe kriteret e kandidimit për Inspektor jomagjistrat, Komiteti i Emërimit dhe Vlerësimit të Inspektorëve vjen në përfundimin se duhet të vendoset ndalimi i kandidimit të kandidatit Mimoza Cani, në vendin vakant për Inspektor jomagjistrat, të shpallur nga Inspektori i Lartë i Drejtësisë në datën 27.05.2024, pasi kandidati nuk plotëson kriterin e përvojës së punës si jurist të paktën 15 (pesëmbëdhjetë) vjet, parashikuar në nenin 209,

pika 6, germa "c" e ligjit nr. 115/2016 "Për organet e qeverisjes së sistemit të drejtësisë" të ndryshuar.

PËR KËTO ARSYE:

Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë" të ndryshuar, pikave 27 "b", 28 "a", 30, 31, 72, 73, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë" Komiteti i Emërimit dhe Vlerësimit të Inspektorëve:

V E N D O S I:

1. Ndalimin e kandidimit të kandidatit Mimoza Cani, në vendin vakant për inspektor jomagjistrat, i shpallur nga Inspektori i Lartë i Drejtësisë në datë 27.05.2024.
2. Ky vendim i njoftohet kandidatit Mimoza Cani.
3. Kandidati ka të drejtën e ankimit në gjykatën kompetente, brenda afatit ligjor.
4. Ky vendim publikohet në faqen zyrtare të Inspektorit të Lartë të Drejtësisë.

KOMITETI I EMËRIMIT DHE VLERËSIMIT TË INSPEKTORËVE

ANËTAR

KRYETAR

ANËTAR

Lindita Ziguri

Elena Pelushi

Joana Sorraj

